

VD-MAŠINSKE INSTALACIJE D.O.O. SARAJEVO	
Broj:	UG-22/2020
Datum:	21.07.2020
SARAJEVO	

UGOVOR

za javnu nabavku putem direktnog sporazuma
"klimatizacijskih uređaja" sa uslugom postavljanja i puštanja u rad

I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, koju zastupa direktor, Jasmin Terović, (u daljnjem tekstu: **Kupac**), ID broj: 4200665390008
2. **VD-MAŠINSKE INSTALACIJE d.o.o.** ul. Stupska D1, 71210 Ilidža, kojeg zastupa direktor, Damir Lucević (u daljnjem tekstu: **Prodavac**), ID broj: 4200546030001.

U daljnjem tekstu Ugovora, kada se Kupac i Prodavac navode zajednički, tj. zbirno, tada su označeni kao "**Ugovorne strane**".

II OSNOV ZA ZAKLJUČENJE UGOVORA

Osnov za zaključenje ovog Ugovora je Ponuda Prodavca broj: 20-0100-000213 koja je dostavljena dana 15.07.2020. godine i Odluka o izboru za nabavku roba, Kupca, broj: 06-11-1327-3/20 od 17.07.2020. godine.

III PREDMET UGOVORA

Član 1.

Predmet ovog Ugovora je nabavka i isporuka "klimatizacijski uređaj" sa uslugom postavljanja i puštanja u rad prema tehničkoj specifikaciji, koja je navedena u Zahtjevu za dostavu ponude Kupca, broj: 06-11-1327-1.3/20 od 14.07.2020. godine, kao i Ponudi Prodavca broj: 20-0100-000213 koja je dostavljena dana 15.07.2020. godine, te čine sastavni dio ovog Ugovora.

Član 2.

Prodavac je dužan isporučiti predmet nabavke iz člana 1. ovog ugovora prema svojoj Ponudi i specifikaciji Kupca.

IV CIJENA I NAČIN PLAĆANJA

Član 3.

Ukupna vrijednost ugovorene nabavke definisane u članu 1. ovog Ugovora iznosi: 2.588,80 KM (slovima: dvijehiljadepetstotinaosamdesetosam KM i 80/100).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Kupac se obavezuje da će ukupni iznos iz stava 1. ovog člana isplatiti na račun Prodavca broj: 154-999-5000-4721-76 otvoren kod Intesa SanPaolo d.d.

Član 4.

Ugovorne strane su saglasne da će Kupac ukupan iznos iz člana 3. stav 1. ovog Ugovora isplatiti Prodavcu po obostranom potpisivanju ugovora, a nakon isporuke predmetne robe u roku od 10 dana.

V ROK I MJESTO ISPORUKU

Član 5.

Prodavac se obavezuje da će robu iz člana 1. ovog Ugovora, isporučiti i postaviti na sljedeće adrese: Fehima ef. Čurčića br.1, vatrogasna ispostava Skenderija i Briješćanska br. 12, vatrogasna ispostava Stup, najkasnije u roku od 7 dana nakon obostranog potpisivanja ovog Ugovora.

VI KVALITET ROBE

Član 6.

Prodavac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi broj: 20-0100-000213 koja je dostavljena dana 15.07.2020. godine, a koju je Kupac odabrao kao prihvatljivu i kvalifikovanu.

Primopredaju robe između Prodavca i Kupca izvršit će ovlašteni predstavnici Prodavca i Kupca.

VII OBAVEZE PRODAVCA I KUPCA

Član 7.

Prodavac se obavezuje:

- da će ugovorenu obavezu izvršiti blagovremeno, u ugovorenom roku, u skladu sa zahtjevom za dostavu ponude, a prema dostavljenoj Ponudi;
- da će u najkraćem roku otkloniti eventualne nedostatke koji mu budu predloženi prilikom primopredaje roba iz člana 1. ovog Ugovora od strane ovlaštenog lica Kupca;
- da će Kupcu predati Katalog sa tehničkim specifikacijama i uputstvom za upotrebu za ponuđene klima uređaje;
- da će Kupcu predati garantne listove za ponuđene klima uređaje;
- da će ponuđene klima uređaje postaviti/instalirati na adrese iz člana 5. ovog Ugovora.

Član 8.

Kupac se obavezuje:

- da će izvršiti uplatu ukupne cijene vrijednosti ugovorene roba iz člana 3. ovog Ugovora, na način i u roku utvrđenom u članu 4. ovog Ugovora;

- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

VIII PRIJELAZNE I ZAVRŠNE ODREDBE

Član 9.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 10.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz bilo kojeg razloga, to ne budu moguće, nadležan je Općinski sud u Sarajevu.

Član 11.



Ovaj Ugovor stupa na snagu danom njegovog potpisivanja od strane ovlaštenih predstavnika Prodavca i Kupca.

Član 12.

Ovaj Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.



ZA PRODAVCA

VD Mašinske instalacije d.o.o.

Broj: _____
Sarajevo, ____ . ____ . ____ . godine

ZA KUPCA



M.I.

Broj: 06-11-1327-5/20
Sarajevo, 17.07.2020. godine

